

中國醫藥滙編

蔡陆仙 编

# 中國醫藥匯海

北京市中国书店

据1941年中华书局版影印

# 中国医药汇海

**中国医药汇海**（全二十四册）

---

出版：北京市中国书店

发行：北京市新华书店

印刷：通县财联印刷厂

---

1985年10月第1版 1985年10月第1次印刷

开本：787×1092 1/32 印张：256

定价：56.00元

## 影印序言

中医典籍，浩如烟海，然多散在民间。乙未之秋，余应征入都，参与卫生部中医研究院工作。初，从事于编审，继则董理图籍，时图书馆创立伊始，各方医籍，汇集来京，运已汗牛，堆则充栋。面对此巨量度藏，专业馆库，如何使其发挥应有之作用，又如何使其在继承发扬工作中，能得充分参考？首在整理插架，其先决条件，又在于分类，查中医图书之专业分类，昔虽有之，已不能应合当前之需要，乃先为试行排架，商量位置，几经移易，终于分别部居，订成初稿，分类编目归架，计分十二大类，迄今尚在沿用，兄弟专业馆，每取以参考使用。十二类中，有一大类为丛书与全书。丛书姑不细论，仅就全书之大略言之：

全书者，囊括各科，医药咸备，旁搜远绍，文献毕呈，得此一书，可省翻检之劳及无书之苦。现存中医书中，堪称全书者，当以宋代《圣济总录》为首，清代则有《医宗

金鉴》然均属官修者。若个人辑作，大型而现存者，在明则有祁门徐春甫之《古今医统大全》一百卷（1556），肖山楼英之《医学纲目》四十卷（1565），南丰李梴《医学入门》总为八大卷（1575），江右聂尚恒《医学汇函》计十四卷（1616），会稽张介宾《景岳全书》二十四集六十四卷（1624），在清，则有登封景日昡《蒿崖尊生全书》十五卷（1696），泉江蔡宗玉《医书汇参辑成》二十四卷（1807），溧阳孙德润《医学汇海》三十六卷（1820），武宁翁藻《医钞类编》二十四卷（1830）。均有一定参考价值，唯离吾辈时代较远，终不若近代所编者，能更切实用。

云阳蔡陆仙先生，民国间，医疗与教学之名中医也，受上海中国医学院之聘，任教甚久，博学而多能，院中教学遇有困难与缺门，皆仗君当之，每为教务长蒋文芳先生所赞许，同学叶劲秋如兄，与其共事，常称道而推崇之，并介余与之结识。1934至1935年间，曾与其通函论道，颇相契。

君累积资料甚丰，有志编一大型参考书。积稿于『1.28』前后，迨1937年，抗日战争开始，学院暂时停顿，君则蛰居租界，于战尘弹雨，炮震机轰之中，岿然从事于《中



《国医药汇海》之修订，冀供学员及广大中医界使用，直至1939年，已全部竣事。时沪上物资供应困难，中华书局以其有益于世也，竟毅然为其出版，1941年书甫印成，而珍珠港事件爆发，太平洋战起，沪上租界亦沦于侵略者之手，从此水深火热，遂与之失去联系。今读其书，联想其人，能于患难之际，仍为中国医药作出巨大成就，独力编成全书，事迹可嘉，值得称赞。

此书累积资料甚丰，惜初版印数甚少，目前中华书局，已专门从事文史古籍，对此不克重版。今中国书店因常有来购此书者，莫不败兴而返，乃商之于余，拟为影印以飨读者，余则力促其成。更嘱为作重印之序言，因就医学全书之史事与现存情况，并就所知，略述蔡君于艰苦环境中，为中医所作之贡献如上，备读者及从事中医典籍史者之参考。

方今吾道待昌，得书又复不易，故余主张利用多种渠道，传播中医典籍，庶可兴废续绝，继往开来，力求道统之绵衍，其在斯乎！

甲子冬日

扬州 耿鉴庭序于北京

# 例言

本編採擇我國古今醫藥學說，薈萃成書，故定名為中國醫藥匯海。

我國醫藥書籍，學派紛繁，學者苦乏研究系統。是編取擇極嚴，惟錄各學說精髓，庶學者研習，有一定之正軌。

本編包羅萬有，搜集各學說，近數百家，讀是書，即可將數千年之醫藥思想了了心胸。本編計分經、史、論說、藥物、方劑、醫案、針灸七大部，每部又區分細類若干，眉目分清，極便研習之程序。

醫經爲衆學源泉，最爲初學研讀之基礎。是編於經部，原文並不減易一字；且選各家注釋尤詳，堪爲入門之祕鑰，治經之專書。

學術但求理旨純粹，不分新舊古今，否則難免偏執之弊。是編所輯，上自軒岐，下迄今代，凡各家學說公允者，悉爲摘錄，以期闡發精微，互相印證。

凡各學說有荒誕不經，及與古聖賢牴觸者，是編咸棄置勿錄，以免墮學者於魔道。

藥物自神農本草經後，歷代各有發明，至綱目集諸家之大成，允稱完美，然學者殊病其繁雜，不易記誦。是編只取簡當切實用者錄之，並附列各家注釋，淺顯精詳，極便初學。

藥物與經史醫論不同，本應另自爲部，然本經爲藥物之鼻祖，亦研究藥物之模範，爲免重贅之嫌，故僅附隸本經後焉。

醫經文義古奧，若內經難經傷寒金匱，注釋者不下百數十家，本編僅擇其尤精要者錄之，庶縮減篇幅，並節省讀者時間腦力。

內難經選注各家最多，且注句多寡參差不一，若於每注上悉錄經文，難免重見複出，故於每篇原句，只代以數目符號，俾讀者一目了然，絕無淆混之弊。

醫方自傷寒金匱千金外台以迄近代，不下千數百種，不但研誦爲難，即普遍試用，亦殊匪易。是編僅取切於應用者若干方，並說明組織原理，配製煎服，施用規法等等，俾學者舉一反三，得以推廣應變。

經史以外，最重論說。是編於醫論部，復區別爲生理、哲理、病理、病症分類四類而治療診斷皆附列焉。綱舉目張，巨細不遺，醫之能事，或盡畢於是矣。



本書採擇之各家論說，綜合古今，幾於無書不備，然所選錄，必標明出自某書，或著者之姓字，不敢掩人之長，亦期所以存真，俾學者廣博見聞，知衣鉢師承之所自。

本書各部，雖云採擇精要，然於今古書籍，引證綦詳，並研究方法，亦指示略盡，即分部已可稱專書，況概括各類，尤爲治學圭臬。

本編別類分門，各例俱備，爲研究者必備之書，亦爲習醫者必讀之書。備此一書，可省購他書數十百種，既稱經濟，亦切實用。

## 自序

(天)

今之訾議國醫學者，悉謂我國固有之醫藥學術，不合乎科學也。當茲世界日進文明，舉世莫不崇拜科學萬能，凡百學術，亦莫不根據科學，爲惟一研究之途徑，而謂醫藥能外是乎？然考科學二字意義，蓋謂以一定之對象，而爲有系統之整理歸納焉。使我國醫藥，果能就是範圍以探討窮究，奚有不合乎科學之誚？<sup>？</sup>叵奈一般學者，非涉想空冥，墨守迂固，即崇尚新學皮毛，只撫拾人體之生理名辭，及化學成分公式，而即謂爲整理，謂爲科學。凡我國數千年來之舊有理想，舊有之實驗學說，曾未嘗涉獵瀏覽，遂自命爲整理改進國醫國藥，得不爲識者騰笑乎？夫我國醫藥之研究對象，厥爲病症，而於病症之診斷，治療之程序，方藥之功能，在醫有望聞問切之精細，在藥有形色氣味之辨定，在方有七方十劑之範圍，與夫汗吐下和溫清補瀉之法則，歷代名醫，皆本是組織系統以研究焉。至若臟腑經絡，氣血營衛，軀體骨幹之生理病理，以及六氣變化，五運勝復，內傷外感，飲食情志，種種關係，靡不推論精詳，考求核實，於是以所經驗者，列爲學說，筆之於書，期供後世徵信效法，而作研

討之捷徑焉。此我國醫藥方書之足堪寶貴者也，豈彼徒逞異說，而誇張虛僞，散漫無稽者，所可同日語哉？是故不求研究改進，國醫國藥則可，欲求研究改進，非就往古醫哲之經驗，學說以作基礎，斷不能適合國醫系統，而昌明學理，收效於實際也。惟我國醫藥典籍浩繁，匪特初學望洋興嘆，即已攻習者，亦苦乏研究之捷徑，則將何以步軒岐後塵，窺仲景堂奧耶？間有習一家言，自謂得其指歸者，然亦派別紛歧，聞見狹隘，若是而欲斟酌今古，淹貫百家，而分別異同，抉擇是非，亦戛戛乎其難矣。雖有苦心力學之士，欲求深造，奈多爲財力時間所扼，而不克悉備諸書，遍觀博識，亦惟因陋就簡，僅恃一知半解以問世，於臨症診斷之頃，爾爭我執，甲是乙非，馴至分道揚鑣，各逞私臆，所處方藥，迄無正的，號稱學者，猶不能步趨一致，況僅就師承家授，率爾操觚者，焉能冀其不散漫悖謬耶？於是有系統之學術，全無系統之可言，尙何怪乎人以不科學目之哉？僕瀏覽今古，寢饋各家，鑽研是道，凡卅易寒暑，自詡老馬識途，深知我國醫藥之有系統，之有真價值在，而又慨乎無整理歸納之者，使軒岐而降，迄今數千年來之學說，無人能徧搜悉讀，更無能去其繁蕪，抉其精要者，以令好學之士，得節省經濟、腦力、時間，而得一有系統研究之途徑焉。爰與及門諸子，講習之餘，取今

古醫籍，上自炎黃，下迄今代，都數百家，擇其精要，凡三百數十萬言，彙萃成編，分作經、史、論說、藥物、方劑、醫案、針灸七大部，部又區分細目，爲若干類，命名曰中國醫藥匯海。我國固有之醫藥學說，胥於是大備矣。庶學者得以攻習，無更意志紛馳；而各家學說，已俱羅列心胸。苟再銳志精進，自能治衆說於一爐，而成一代之名家，豈僅能知綱要而已哉？然則是書謂之集大成也可，謂之科學化也亦無不可。初學治之，殆亦登岱嶽之捷徑，詣扶桑之寶筏乎？

民國二十六年二月雲陽蔡陸仙識於海上醫廬

# 中國醫學匯海

## 第一編 經部

雲陽蔡陸仙編輯

### 經部提要

章翼方助編  
薛定華

經猶言常也，謂有常法可遵守也。經猶言徑也，謂有循行之路徑也。醫書之有經，亦猶儒家之有六經也。六經所以載道，辨治亂興衰之軌轍，醫經所以昌明學術，別治亂危亡，又詎非載道之書耶？夫直者爲經，橫者爲緯，經緯交貫，機杼斯成。文章學術，莫不胥由是焉。先經而後緯，則條理井然，未有舍經而獨能具有杼軸者也。故經又可謂之文章之源泉，學術之淵海，大經大法，既已昭垂，則千秋百世而下，皆可守其常法，循其路徑，從不變中而開無窮法門，從萬變中而有一定準則，此千載之研究治理要術者，所以獨推崇乎經也。其他羽翼經籍之書，不過爲道學之緯，足以貫穿條理，綴拾餘緒而已，詎足能駕經而上之哉？醫書之以經名者，有九一內經、三難經、三甲乙經、四神農本草經、五湯液經、六傷寒雜病論（或稱傷寒金匱）、七中藏經、八顛顛經、九脈經。除本草湯液經外，其餘皆本源於內經，或節錄其文，或增補



缺略，或闡發義理，或補列醫方，要皆足以爲後世表率，故亦稱名經焉。傷寒金匱以降，亦皆稱經者，猶之六經而外之有語孟也。至千金外臺則有方無論，且雜而不純，故不得附列於經，其他更猶諸子百家，去經之道，益殊遠矣。內經共十八卷，內分靈樞九卷，素問九卷，靈樞又稱針經，於經穴針灸獨詳，其書蓋爲針灸學之鼻祖；素問則託名黃帝與岐伯等問難而成，其間於陰陽五行，氣運調攝，方士人情，臟腑經絡，骨度色脈，審疾辨治，靡不精詳，雖爲周秦時人所僞託，但言簡意賅，治理詳盡，洵不愧名經焉。神農本草經亦非炎帝時之書，然其辨別藥味，義例井然，爲有本草以來所未見，卽謂爲炎帝之書，亦無不可。湯液經其書已不可見，世傳出諸伊尹，爲方劑最古最周密之書也。張仲景著傷寒雜病論，所用悉本湯液經之經方，其間味藥去取，分量增易，皆隨證各有定法，不敢稍有簡略混亂，古人之大經大法，足堪爲後世準則者，已昭然可見矣。傷寒雜病論爲漢長沙太守張機所撰，其書以六經爲辨病之總要，分經別症，以定方藥，心細如髮，辨悉毫芒，其書實爲後世辨病之準繩，用方之矩範，書雖不以經名，蓋實與經侔其功用焉。難經傳爲秦越人扁鵲所著，其間雖有補內經缺漏，然多本諸內經。甲乙經爲皇甫士安所撰，亦多摘錄內經而成。二書並可羽翼軒岐開示來學，至中藏經，雖稱出自華佗，蓋係六朝時人所僞託，且翻本屢訛卷數各異，惟理論多暗契合經旨，方亦有古義焉。顯顯經一卷，已佚作者姓氏，蓋爲宋代所刊，其療

小兒各方，卓然成法，迥非後世醫流所幾及。他若王叔和之脈經十卷，又根據內難仲景倉公華佗甲乙經等節次而作。其間辨別微茫，闡發精思，千古言脈之書，殆無以過之矣。此諸經之概要，醫統之真傳，精研之士，絕不能出其範軌者也。而內難本草傷寒四經，今古注釋家，尤指不勝屈，能勤求古訓，表彰經旨者固多，而逞私遷臆，顛倒淆亂者，亦比比皆是。苟非博覽盡搜，互相印證，殊不足辨其真微，得其體用焉。本編所輯，既詳列各經原文，復廣挾諸家精髓，務令有善皆彰，無義不顯，庶爲窮經之祕鑰，辨治之南針，其有裨來學，又豈淺鮮，因列經部爲第一編。

# 中國醫藥匯海總目

第一編 經部

第二編 史部

第三編 論說部

第四編 藥物部（附經部第一種本草經後）

第五編 方劑部

第六編 醫案部

第七編 針灸部

藥十議 楊炎暗

藥六議 醫案暗

藥五議 式暗暗

藥四議 藥神暗 (附藥神第一錄本草圖考)

藥三議 藥神暗

藥二議 史暗

藥一議 藥暗

中國醫藥圖海目